

fliegen/ Wenn denn die Vögel solchem Geförne nach hinunter schliessen/ so fällt die Flechten zu/ vñ werden also vnter der Flechten gefangen. Die Vögel/ so Weizen oder Hirssen in Weinhesen oder Wätscherling Safft eingebeizt/ wenn der Safft widerumb außgetruckt vñnd gepresset ist/ essen/ mögen nimmer fliegen/ sondern bleiben also still sitzen/ daß du sie mit den Händen fahen magst.

Ein Kräe auff den Rücken gelegt/ vñnd mit zwen Pfälen auff die Erden gehefft/ darauff viel andere Kräen fliegen kommen. Der Kräen fang/ wenn eine die andere selbs fahet/ ist auch sehr kurzweilig/ vñnd fahen sich also: Wenn du eine Kräen haben magst/ so nimm vñnd trag sie auff einen Platz/ da gewöhnlich viel Kräen zu seyn pflegen/ lege sie auff ihren Rücken/ vñnd schlag zwischen ihre beyde Flügel vñnd den Leib zwen Stecken/ oder Plöcke/ daß sie also auff irem Rücken auff der Erden angehefftet ligen muß/ Da wirt sie so jämmerlich vñnd kläglich schreyen/ daß viel andere ihr zu helffen herbey fliegen vñnd kommen werden. Wenn die andern Kräen nun so hauffen weiß vmb sie her fliegen/ so begreiffet sie eine/ vñnd haltet sie mit ihrem Schnabel vñnd Klawen so hart vñnd fest/ daß du dieselbige alsdenn fein hinweg nehmen magst/ darnach begreiffet sie widerumb eine anderre/ vñnd so fortan/ eine andere nach der andern/ welche du gleicher gestalt ihr auß den Klawen neñnen vñnd reißen kanst.

Das dreyzehende Buch/

Petride Crescentijs/ vom anfang

der Jagten/ auch vom Jäger/ seinem Horn vñnd Stimm/ Hunden/ wie die zu allerley Wildpret abzurichten zu pfneischen/ vñnd vor der Wüt vñnd andern zufällen zu bewaren. Item von d Hirsch/ Hasen/ wilden Kullen/ Füchs/ Dachs/ Bäeren/ Luchs/ Steinbocks vñnd Gemysen Jagt. Wie der Jäger durch gewisse Merckzeichen auff der Jagt/ dieselben erkenen/ Jagen/ fangen vñnd erlesgen auch Weidmännisch von jeden insonderheit reden sol.

Das erste Capitel.

Von Anfang der Jagten.



ER anfang rechtmässiger/ vñnd Gott wolgefälliger Jagten/ ist beschriebē Genesis am ersten Capitel/ da stehet/ Vñnd Gott sprach: Laßt vns Menschē erschaffen/ ein Bild das vns gleich sey/ die da Herschen vber Fisch im Meer/ vñnd vber die Vögel vnter dem Himmel/ vñnd vber alle Thier auff Erden/ Daraus abzunehmen/ daß stracks Adam der erst mit seinen Nachkommen/ sich der Jagten vntersangen/ Wie auch von Nimrod vñnd Esau/ Genesis am zehenden vñnd fünff

R R R iij

vñnd fünff